

AASIAAT

- **Inuussutissarsiutinik ineriartortitsineq**

Aasiaat, offshore-mi ingerlatanut pilersuiffittut pingarnertut periarfissaanerat, ineriartortinnejarlunilu nukitorsarneqartariaqarpoq, angallannermi periarfissatigut aamma inuussutissarsiutinut taakkua malitsigisaasaannut il.il., nunaminertanik tunniussisoqarneratigut, kommunimut iluaqutaasumik. Qeqertanguaq innussutissarsiutitigut kulturikkullu nutarterutaasunut atorneqarsinnaalluarpoq. Tamakkua saniatigut aalisarneq nukitorsarneqartariaqarpoq, allerinissanut nutaanillu atortulersorernut, nunaminertanik tunniussaqartoqarneratigut, aalisartullu atuagaannik pitsangorsaanikkut, soorlu fabrikkip aamma umiatsiaaqqanut umiatsialiviup eqqaani atortulersuiffisusinnaasutigut. Qeqertat akornini qajartorneq, tamaanilu timmiaruarpassuaqarnera, takornariaqarnermi ineriartortitsivissatut piukkunnaateqarluarput. Illoqarfiup qiterpasinnerusortaani, sunngiffimmi kulturikkullu periarfissat pitsangorsaavigineqarnerat, takornariaqarnermut annertusaataassapput.

Nunaqarfinni sumiiffinni assigiinngitsuni, inuussutissarsiutitigut periarfissat ineriartortinnejarlutillu misissorneqartariaqarput, soorlu tunitsiveqarneq aamma aalisakkanik piniakkanillu allanik tunisassiorsinnaanerit eqqarsaatigalugit. Tunisassiorfiit, amernik suliarinnitarfiit sissarsuillu, nunaminertanik pisariaqtitsipput. Ammattaaq nunaqarfinni arlalinni takornariaqarnermik ineriartortitsisinnaaneq periarfissaqarpoq, ilaatigut Akunnaami unnuiffissatigut sanaluttafeqarnikkullu, aamma Kitsissuarsunni katersugaasiveqarnikkut, oqaluttuartitsisarneq immikkut pingartillugu.

- **Ilinniartitaaq**

Aasiaat illoqarfittut inuusuttut ilinniagaqarfiattut ingerlaqqissaaq, Ilulissat suleqatigalugit. Illoqarfiit mikinerusut eqqaaniittut nunaqarfiillu illinniagarfiusinnaasunik pilersarisornermi ilanngullugit eqqarsaatiniitnejartariaqarput, kiisalu pisariaqartitat tamakkununnga attumassutilit, soorlu paqqinnitarfiit, inissiat, kulturikkut sunngiffimilu periarfissat naammattut, ataqtigissarneqartariaqarput. Sinaakkuttat tigussaasut (silami, illullu iluini) pitsaassusaat ilinniartoqarfiit avatangiisaannut pingaruteqarluinnartuupput – allaat atualinngikkallarnermili. Offshore-mik inuussutissarsiutinut atatillugu, pikkorissartarnerit ilinniartitsinerillu, pitsaaqtitalimmik Aasianni inissinnejarsinnaapput.

Nunaqarfinnut tunngatillugu, ulluunerani paaqqinnitarfinni, atuarfinni, sunngiffimmi neqeroorutitigut ingerlatatigullu, naammattunik inissaqartitsisoqarnissaa pisariaqartinneqarpoq. Tamakkua iluaqutitalimmik ataatsimoortinnejarsinnaanerat eqqarsaatigineqarsinnaavoq, inissatigullu ataatsimoortinnejarsinnaallutik, assersuutigalugu illut assigiinngitsunik atuuffillit aamma ulluunerani qitiusumik sullissiviit.

- **Inoqarfiit aamma inigisat pitsaasut**

Aasiaat illoqarfiat pitsaasunik amerlasuunik immikkoortortaqarpoq assigiaartunik, imminnut tulluarsakkanik illulioriaatsinik aaliangersimasunik sanaartorfiusimasunik, immikkuullarissusaat attanneqartariaqartunik. Peqatigisaanillu illuloriaatsinut nutaanut pissanganartunullu ammaassisoqartariaqarpoq, titartarnerisigut immikkut pingartillugit, eqqaata pissusaa aamma aaqqiinerit sipaarutitallit.

Iloqarfik, illunik pisariaqartitsinermik siornangersimaarinntariaqarpoq offshore-mik ingerlatanut tunngatillugu. Alliartornera kangimut pinnani, Tupilaap tungaanut, Tupilammilu namminermi, immaqalu aamma kujammut ingerlasariaqarpoq. Taassuma saniatigut ataavartumik, utoqqarnut inissianut, inuussuttunut inissianut, ilinniartullu inaannut nunaminertanik eqqasaatiginnitoqartariaqarpoq, ilaqtariit illuinut akulerunneqartussanik.

Nunaqarfinni, pingaartumik iluarsartuussinerit isaterinerillu iliuuseqarfigisariaapput, atorneqarnerilu eqqarsaatersuiteqarfigeqqillugit. Assersuutigalugu Akunnaami utoqqarnut inissiat arlallit inuusuttunut inissianngortillugit allanngortinneqartariaqarput, tulluanngitsumik inissinneqarsimaneri pissutigalugit. Taakkua saniatigut nunaminertanik utoqqarnut inissialiorfissanik qulakkeerinnitqartariaqarpoq.

- Kulturi kinaassuserlu

Peqatigiiffeqarneq, inuusuttullu kulturimik ingerlatsinerat nukittooq, naamattunik periarfissaqartinneqassapput. Aasiaat qeqqanni nunaminertanik toqqaasoqartariaqarpoq assersuutigalugu, kulturip illorsuanut anngajaamut, innuttaasut illuannut, assigisaannulluunnit atugassanik. Taamaaliornikkut peqatigiiffeqarnerup nukittuup, suli nukittunerulersinnissaanut periarfissamik, nunallu immikkortuani aaqqissuussinernik, takornarianullu sussaqartitsivimmik pilersitsisoqassaaq.

Illut (inoqanngitsut) nunaqarfinniittut kulturikkut ataatsimoortitsinermillu siunertanut atorneqarsinnaasariaqarput. Innuttaasunut pingaaruteqarpoq, sumiiffimmi kuturip kinguariinniit kinguariinnut ingerlateqqinnejqarnissaa. Aammattaaq, asip sunngiffimmi ingerlatanut atorneqarnissaa, suliniutitigut tigussaasutigut tapersorsorneqartariaqarpoq.

- Toqqissisimaneq inuunerinnerlu

Illoqarfimmi inissaqassuseq toqqisimanermut annertuumik pingaaruteqarpoq – minnerunngitsumik illoqarfimmi Aasiattut angitigisumi, taamaattumik illoqarfiup iluani inissat kusassarneqartariaqarput, illoqannginnersat aqqusineeqqallu uninngaarfingineqarnissamut, isumannaatsumillu ingerlaffingineqarnissamut, tikilluaqquserpalaartuusariaqarput, pingaartumik meerarpassuarnut inuusuttunullu. Innuttaasut illuinik pilersitsinerup, aammattaaq ataatsimuussuseq illoqarfimmullu akisussaaqataaneq nukittorsassavai.

Nunaqarfimmiut, pingaartumik imaatigut angallassinermi pilersuinermilu periarfissatigut, ulluinnarni atukkamik pitsaanerulersinneqarnissaat, kiisalu namminerisamik illoqarnermi pitsaanerusumillu avatangiiseqarnermi ogartussaaqataatinnejqarnissartik, kissaatigaat. Aammattaaq pitsangorsaataasinnaasunut annikinnerusunut suliniutit, issiaartarfiiit (bænkit), aamma illut nungullarnikut isaterneqarneri, nunaqarfinni toqqissisimanermik pilersitseqataasinnaapput.

- Peqqissuseq pinaveersaartitsinerlu

Peqqinnissaqarfik Qeqertarsuup Tunua, Aasianniippoq, nunaminertallu tassunga atorneqartussat tamakkiisuusariaqarput naammalluarlutillu. Peqqinnermik siuarsaanerup iluani, innuttaasut naluttarfeqarnissamik, silamilu assigiinnngitsunik ingerlatsisoqarnissaanik (sisoraneq, qimusserneq, BMX) kissateqarnerat, pilersaarusrionermi tapersorsorneqarput.

Aammattaaq nunaqarfinni, peqqinnerulerneeq pillugu, suliniutinik amerlanerusunik kissaateqarput, soorlu pinnguartarfiiit arsaattarfiiillu. Akunnaami Ikamiunilu timersornermik periarfissat, katersortarfimmut atatillugit eqqarsaatersuutigineqarsinnaapput, Kitsissuarsunnillu qulakkeerneqassaaq peqqinnejq pillugu paasissutissiilluni aggersaanissamut periarfissiisoqarnissaa.

- Angallannermi periarfissat pilersuinermi

Aasiaat umiarsuliviat annertuunik periarfissaqarpoq, umiarsualivimmi avatangiisimik pitsaasumik pilersitsinissamut, aamma inuussutissarsiuutinik ineriertortitsinissamut tunngatillugu. Tamaattumik umiarsualiviuup mittarfiullu allineqarsinnaanerinut periarfissat qulakkeerneqassapput, inuussutissarsiornermi periarfissanut nutaanut naapertuuttunngortillugit. Ataatsimut isigalugu, pilersuinermi angallannernilu pilersitsinerit, illoqarfiup inissaqassusia isikkualu mianeralugit, ingerlanneqassapput.

Aasiaat, pitsasumik imminullu akilersinnaanerumik pilersorneqarsinnaanerannut, periarfissagissaarpoq. Qasigiannguani erngup nukinga atorlugu innaallagissiorfiliortoqarneratigut Aasiaat pilersorneqarsinnaalissapput. Aammattaaq eqqakkanik ikualaaviup, inoqarfinit allaniit eqqakkanik tigooraasinnaasup, nukimmik kissarnermillu pilersitaaniit sinneruttoq, pitsasumik atorneqarsinnaavoq.

Nunaqarfinni pitsaanerumik pilersorneqarnissaq, kiisalu talittarfeqarnikkut umiarsualiviillu itissusaasigut pitsangorsaasoqarnissaa, kissaatigineqarput. Qaammaqqusersuineq imermillu pilersuineq salliuutinneqartariaqarput – annikitsunnguugaluit innuttaasunulli annertuumik pingaarutillit.

- Silap pissusaa, avatangiiseq pinngortitarlu

Pinngortitaq eqqaaniittooq sunngiffimmi ingerlatanut amerlasoorpassuarnut atorneqartarpoq, ungasinnerusorlu eqqarsaatigalugu pingaaruteqarpoq pinngortitap illersorneqarnissaa, assersuutigalugu aaliangersimasunik pisuttuartarfefeqarnikkut, tupersimaartarfefeqarnikkut aamma masarsoqarfiit (Ramsar-områder), timmirussanillu eqqissisimatitsiviit, paasissutissiissutiginerisigut. Aasiaat imeqarfianut killeqarfiliussap allanngortinnejarnissaq pisariaqarluinnarpoq, erngup pitsaanerulernissaa pissutigalugu, kiisalu illoqarfiup ineriartornera, sunngiffimilu ingerlanneqartartut, illoqarfiup kujataatungaani annertusineqarnissaat, periarfissinniarlugit. Aammattaaq eqqakkat isumagineqartarnerat ajornartorsiornarpoq, inissisimaffia, ajoqutaasarneralu, pissutigalugit.

Ikamiuni Kitsissuarsunnilu innuttaasut kissaatigaat eqqaavissuit (ikuallaaviillu) illut eqqaanniit ungasinnerusumut nuunneqarnissaat. Taamaattumik nunaqarfinni, nunaminertanik eqqaavissuarnut nutaanut, imaluunniit eqqakkanik usilsortarfinnut, qulakteerinnitqartariaqarpoq

- Siuaasaniit kingornussarsiat allanngutsaaliiuinerlu

Aasianni eqqaassutissarpassuaqarpoq, ilusilersugaqarluni il.il., tamakkualu illoqarfimmi malunnarnerulersinneqartariaqarput. Katersugaasivik illoqarfiup oqaluttuassartaanik nittarsaassiviuvoq. Tamatuma eqqaa siunertamut tamatunnga tunngatillugu illersorneqartariaqarpoq, aammattaarli peqatigisaanik ingerlatanut nalitsinneersunut tikillaqquisisuusariaqarluni. Illut eriagisariallit arlallit aserfallannikorujussuupput, nalilersuivigineqartariaqporlu, tamakkua qanoq ililluni annaanneqarsinnaanersut.

Nunaqarfiiut kulturimik nittarsaassinerminik pingaartitaat kulturip illuisigut, sannavik uumasukkut, sumiiffimmi katersugaasiveqarnikkut il.il., quersuatoqqani inissinneqarsinnaasutigut, nukittorsarneqarsinnaavoq. Aammattaaq siuaasaniit kingornussarsiat nittarsaannerat, nunaqarfiiut Aasiaallu suleqatigiinnerisigut ingerlanneqarsinnaavoq.

- IT, tamat oqartussaaqataanerat oqaloqataanerlu

Kommuneplani tassaalissaq iloqarfiup nunaqarfiillu aqunneqarneranni sakkot pingaarutillik, suliniutit nutaat, tamaani anguniakkanut naapertuuttumik, ingerlanneqaatigisinnasaat. Pisariaqartinnejarpportaaq, kommuneplanip innuttaasunut paasissutissiissutigineqarnissaat, innuttaasullu suliap ingerlanerani ataavartumik tusarniarneqartarnissaat.

Kommuneplani aammattaaq paasissutissiinermini ersarinnerussaaq, nunaminertani ataasiakkaani susoqarsinnaatitaanersoq pillugu, qimmilivinni, umiatsiaanik inissiisarfinni, containerinut inissiisarfinni il.il..

Aasiaat suliamik ingerlatsivittut nutaatut atuutilerneratigut, oqaloqatigiinneq pitsaanerulissaap allaffisornerup ersarinnerulerteratigut, taamaalillunilu atuakkanik atorniartarfiup ingerlatsinini annertusisinnavaa nunap immikkoortuani atuagaateqarfinngorlugu. Ilinniagaqarfiiitaaq (qanimut) oqartussaaqataanerup ineriartortsinnerani suleqataanermikkut sunniuteqaqataasinnapput.

Nunaqarfiit pingasuusut, makkua iluini pitsaanerusumik suleqatigiittoqarnissaa, kissatigaat, aalisarnerup, soqutigisat assigiait, tusarniaanerit, kulturikkut ingerlatat allallu, tamaaliornikkullu nipaat kommunimi ersarinnerulissaaq.